

Հ Ա Շ Վ Ե Տ Վ ՈՒ Թ Յ ՈՒ Ն

ՀՀ ՊԵԿ նախագահի տեղակալ Կարեն Թամազյանի, ՀՀ ՊԵԿ մաքսային հսկողության վարչության պետ Արտեմ Կարապետյանի, ՀՀ ՊԵԿ մաքսային հսկողության վարչության մաքսային գործառնությունների կազմակերպման և հսկողության բաժնի պետ Սենիկ Ներսիսյանի և ՀՀ ՊԵԿ միջազգային համագործակցության վարչության մաքսային համագործակցության բաժնի պետ Օհաննա Գառգալոյանի՝ 2024 թվականի փետրվարի 28-ից մարտի 2-ը Բելառուսի Հանրապետություն (ք. Մինսկ) գործուղման արդյունքների մասին

1. Անունը, ազգանունը և զբաղեցրած պաշտոնը

Կարեն Թամազյան - ՀՀ ՊԵԿ նախագահի տեղակալ,

Արտեմ Կարապետյան - ՀՀ ՊԵԿ մաքսային հսկողության վարչության պետ,

Սենիկ Ներսիսյան - ՀՀ ՊԵԿ մաքսային հսկողության վարչության մաքսային գործառնությունների կազմակերպման և հսկողության բաժնի պետ

Օհաննա Գառգալոյան - ՀՀ ՊԵԿ միջազգային համագործակցության վարչության մաքսային համագործակցության բաժնի պետ:

2. Գործուղման վայրը և ժամկետները՝

ՀՀ ՊԵԿ նախագահի տեղակալ Կարեն Թամազյան, ՀՀ ՊԵԿ մաքսային հսկողության վարչության պետ Արտեմ Կարապետյան, ՀՀ ՊԵԿ մաքսային հսկողության վարչության մաքսային գործառնությունների կազմակերպման և հսկողության բաժնի պետ Սենիկ Ներսիսյան, ՀՀ ՊԵԿ միջազգային համագործակցության վարչության մաքսային համագործակցության բաժնի պետ Օհաննա Գառգալոյան Բելառուսի Հանրապետություն, ք. Մինսկ, 2024թ. փետրվարի 28-ից մարտի 2-ը:

3. Հրավիրող կողմը՝

ԵԱՏՄ անդամ պետությունների մաքսային ծառայությունների միավորված կոլեգիա (այսուհետ՝ Միավորված կոլեգիա):

4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը)՝

Միավորված կոլեգիան ոլորտային համագործակցության մարմին է, որն իր գործունեությունն իրականացնում է ԵԱՏՄ անդամ պետությունների մաքսային ծառայությունների փոխգործակցության իրականացումն ապահովելու նպատակով:

Միավորված կոլեգիան կարևոր նշանակություն ունի թե՛ ոլորտում տեղի ունեցող միջազգային զարգացումներին ու համադրելի առաջավոր փորձին ծանոթանալու և կիրառելու, թե՛ մաքսային ոլորտում ՀՀ մաքսային ծառայության իրավակիրառ փորձը ներկայացնելու ու Հայաստանի ճանաչելիությունն ապահովելու համար:

Միավորված կոլեգիայի 45-րդ նիստը անց է կացվել երկօրյա ձևաչափով: Ս.թ. փետրվարի 29-ին տեղի է ունեցել Միավորված կոլեգիայի փորձագիտական նիստը, որի ընթացքում վերջնական քննարկվել և համաձայնեցվել են օրակարգում ներառված և նախապես մշակված հարցերը, իսկ մարտի 1-ին անց է կացվել Միավորված կոլեգիայի բարձր մակարդակի նիստը, որի ընթացքում մաքսային ծառայությունների ղեկավարների կողմից քննարկվել են վիճահարույց խնդիրները և ստորագրվել են նիստերի օրակարգերում ներառված որոշումները:

Ս.թ. մարտի 1-ին կայացած Միավորված կոլեգիայի նիստին մասնակցել են ԵԱՏՄ անդամ պետությունների մաքսային ծառայությունների ղեկավարները, պատվիրակությունները, ինչպես նաև Եվրասիական տնտեսական հանձնաժողովի մաքսային համագործակցության հարցերով նախարարը և այլ ներկայացուցիչներ:

5. Քննարկված թեմաները՝

Նիստի ընթացքում ստորագրվել է թվով 20 որոշում, որոնք վերաբերում են ԵԱՏՄ արտաքին տնտեսական գործունեության ապրանքային անվանացանկին

համապատասխան որոշակի ապրանքների դասակարգման առանձնահատկություններին, 2023թ. ՄԾՄԿ աշխատանքային խմբերի գործունեության արդյունքներին և 2024թ. աշխատանքային ծրագրին, մտավոր սեփականության օբյեկտների իրավունքների պաշտպանությանը, ապրանքների բացթողումից հետո հայտարարագրում փոփոխություններ կատարելուն: Նիստի ընթացքում քննարկվել են նաև «արտահանում» մաքսային ընթացակարգով ձևակերպված ապրանքների մեկնման որոշ հարցեր:

6. Հանդիպումները, ելույթները, բարձրացված կամ քննարկված հարցերը՝

Հանդիպումներ են տեղի ունեցել ԵԱՏՄ անդամ պետությունների մաքսային ծառայությունների ղեկավարների և Եվրասիական տնտեսական հանձնաժողովի պաշտոնատար անձանց հետ:

7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝

Նիստերի ընթացքում ստորագրվել են ընդհանուր առմամբ թվով 20 որոշում, որոնք վերաբերում են մաքսային գործի տարբեր բնագավառներին:

Միավորված կոլեգիայի 01.03.2024թ. թիվ 45/20 որոշմամբ ձեռք է բերվել համաձայնություն Միավորված կոլեգիայի 46-րդ նիստն անցկացնել 2024 թվականի 2-րդ եռամսյակում, Ղազախստանի Հանրապետությունում:


8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները՝

Ստորագրված որոշումները շրջանառվելու են ՀՀ ՊԵԿ համապատասխան պատասխանատու ստորաբաժանումներում, և վերջիններիս իրավասություններին առնչվող տեղեկատվությունը որոշումներում նախատեսված ժամկետներում

տրամադրվելու է Միավորված կոլեգիայի շրջանակներում պատասխանատու գերատեսչությանը:

9. Ստորագրությունը, ամսաթիվը

Կ. Թամազյան




Ա. Կարապետյան



Ս. Ներսիսյան



Օ. Գառգալյան



04.03.2024